

故宮
珍本
纂刊

明州阿育王寺志

等五種

第一冊

共二冊



故宮博物院編

海南出版社

故宮珍本叢刊第 256 冊 史部地理類山水

故宮博物院編

陝西南山谷口考 崆峒山志

烏石山志 明州阿育王山志

南海普陀山志

第一冊(共二冊)

海南出版社



圖書在版編目(CIP)數據

故宮珍本叢刊.第255~257冊,地理·山水,華山書、[乾隆]華嶽志、[光緒]華嶽志、陝西南山谷口考、崆峒山志、烏石山志、明州阿育王山志、南海普陀山志/故宮博物院編.-影印本.-海口:海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06683 號

故宮珍本叢刊第 256 冊

史部·地理·山水

陝西南山谷口考 崆峒山志 烏石山志

明州阿育王山志 南海普陀山志

第一冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:21.5 印數:1-400 冊

ISBN 7-80645-986-3/Z·67

定價:8400 元(河渠山水古迹游記外紀 96 種共 42 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

序

秦據天下上游之勢控河山百二之雄一
旦盜至叩關人絕無留者而往來自如也
尚為秦有人乎夫關中破山帶河險阻之
四塞未改也固猶然天府之國也伊古在
昔王者得之以王霸者資之以霸矣中才
處之宜猶足以自保哥舒翰輩不足論何

序

以同治之元賊薄武關既莫之為禦以成
秦禍越五年而寇我潼關猶莫之懲而坐
失連城之險耶韓退之守戒曰在得人豈
不信哉人之一身腠理為急護其要害數
處而止耳秦為天下之脊南山則秦之脊
也而山之諸谷則其窾瘠也顧其說往往
散見於篇未有匯而著之者倉卒有事將

國家者乎

序

回惑而不得其要誠讀是書而講其利害
聚餉選兵以扼之外侮絕焉舉良有司而
填撫其民內亂奚生焉毛子作為是書其
猶足雪秦無人之譏乎易曰王公設險以
守其國苟得其人雖無險隘乎猶將破塘
濬以限戎馬列保寨以固藩籬矧擁河山
之勝哉雖然彼泄泄者昧安不忘危之義

方且迂是書以覆瓿而莫之省也毛子其
柰之何也毛子曰士君子得位則行其道
窮則立言以備用有鞏屏藩以衛
年歲在著雍執徐秋壯月既望紹興山陰
萬方煦序於長安旅舍之豫齋

陝西南山谷口攷 谷山口也說文云泉出通川爲谷今音讀若穀古音讀若欲又轉爲
稻又轉爲庚又轉爲油今關中讀若裕而其字則俗書加山作峪今兩存之所謂名從主人也

揚州甘泉毛鳳枝撰

關中之險東有潼關西有隴阪東南有武關北有大河所謂四塞之國也而其是爲關中之患者則恒在南山誠以南山崛起昆命尾銜嵩嶽橫亘潼關華陰華州商州雒南渭南藍田咸甯長安鄠縣蓋厚尉縣寶雞之境幾及千里深山穹谷不可殫究其正南通興安出即襄其東南抵商州連楚豫其西南毗漢中道隴蜀昔年賊蹤出沒無不假道于此故關中之患

陝西南山谷口攷

恒在南山而南山之患又在諸谷也議者謂三秦地利自古稱雄多事之秋足以自守不知古人尙車戰故山谿足以隘戎馬今則步騎風馳詭道萬端攻其無備出其不意有出于卸艾陰平之上者而南山諸谷徑路紛岐多置兵則備多力分少置兵則顧此失彼故今日之關中不若大梁之易守也大梁雖四戰之地然我無險賊亦無險關中則不然我之險要善守之足以制寇不善守之使賊乘間而入則南山之險反爲賊用彼利則進攻不利則退守是猶納蜂蠆于袖中閉虎狼于一室其不噉且蠶者鮮矣吾故曰

守大梁易守關中難雖然地無常勢兵無常形善用

兵者因地形以知利因地利以設謀雖丈五之溝漸

車之水尙能禦寇况乎百二之雄哉故攷南山山谷口

北向者起潼關抵寶雞凡得一百五十所著于篇

自潼關以西渭水之南山之大者皆曰南山南山之

高者悉名秦嶺潼關之南又有小秦嶺接商州境其

谷則一日大谷俗名太峪口亦曰秦嶺嶺

在潼關城南四十里有太峪關舊志云屬河南陝

鄉三省邊防道路攷由雒南縣北三十里曰石家

坡又三十里石牆又二十五里巡檢司又三十五

里黑掌坡又十五里太峪嶺通志云潼關城西南至雒南縣治一百四

里五至潼關界山路陡險由谷口沿山東行可達

關鄉亦間道也

又西爲麻谷

在潼關城南四十里有麻峪關

又西爲禁谷一名禁院禁谷之北曰蒿岔峪通志亦

禁谷在潼關城南三十里有禁峪關通志云潼之

左有谷平日禁人往來以權征稅谷之南爲雒南

界唐廣明初黃巢陷虢州張承範屯潼關關左有

禁谷官軍忘守卽此今案谷之北有龍王廟又北

曰蒿岔谷有蒿岔谷水北入河沿谷水北行登潼

關南原復折而西可越過潼關達華陰境案通志與國華

陰縣東南二十八里有瑞村原距潼關十里瑞村

原之北又有金盆原此二原當與潼關之南原相

接俟攻○案明史崇禎八年九月洪承疇破流寇

于渭南臨潼關李自成東走高迎祥亦屢攻東踰

華陰南原絕嶺借自成出朱陽關與張獻忠合是

南原自昔為間道矣○又崇禎十一年李自成東

進洪承疇令曹變蛟設伏于潼關之南原大破之

時既以南原為間道果能設伏於此豈非代謀之

乎昔人嘗設十二連城于此置兵戍守以防秦嶺

諸谷今連城既廢禁谷幾成坦途矣○通志云潼

關古關隘舊有十六一曰古城關在城東南四里

自此至西谷皆有烽臺一曰寺角營關在城東南

十五里一曰車峪關在城東南三十里一曰西峪

關在城東南四十里一曰石門關在城南二里一

曰禁峪關北魏宇文泰擊竇在城南十里一曰巡

底關在城南十里一曰溝西關在城南十五里一

曰漢井關在城南二十里一曰五莊關在城南二

十五里一曰麻峪關在城南三十里一曰水門關

疑卽下在城南三十里一曰太峪關在城南三十

之水谷見前一曰潼峪關在城南三十里潼峪舊有防

兵一曰上關在城南三十里一曰南渡關在城西

十里一曰永樂關在城東北四十里有永樂鎮渡

以上十六關基址俱存而防守城堡墩臺久廢案

南渡永樂二關為西北之隘其餘皆南山間道也

又城東有姚嶺西南有暗門隘姚嶺屯俱廢

潼關連城說楊端本撰文

載陝西通志

昔人謂泥丸東封函谷關今日之潼關鎖鑰西秦

謂卽古之函谷者非也然入關有三道潼入關之

正道也商之武關入關之孔道也昔漢祖破秦由

此入咸陽朝邑古臨晉地自夏陽至關平曠百里

大河易渡漢祖往來關中常由臨晉而七國之變

亦欲兵由此入是又入關之隙道也五泉先生云

一方不戒三險俱失誠哉是言也然武關萬山險

阻一將偏師可以無虞朝邑雖曰平曠百里命將

建營于中路設巨礮數十南北巡守則大河卽天

塹也至潼關之守則禁院最為要地昔黃巢從禁

院破關明逆闖李自成亦由禁院陷關豈非一方

不戒而失三險之明驗乎蓋疎忽地理之要而十

二連城之廢也古設十二連城于禁溝之西由南

郊以抵山麓計三十里而十二城是三里一城也

每城設兵百人而于中城益其兵多設火器矢弩

連絡呼應疾若風雨卽有百萬之眾豈能超越而

飛渡耶故守關而不守禁溝者守猶勿守也守禁

溝而

溝而不建十二連城者守猶未善也是猶一室之內杜門塞竇以防鳥雀之入而忘閉其婦也是以關乎敵非所以固圉也守關者察地理之形勢謀封豕之萬全周歷山川曠覽古昔鑒觀成敗其于建連城以控禁溝控禁溝以固關亦許謀而重慮之乎

附載通志云潼關南門外不數武即闕鄉華陰界今案與圖由潼關東南三十里之董社原隋楊元感與字

文述載西行過蒿岔峪河又渡潼河西行可越過

潼關至華陰又由潼關東南之金陵關西行至關

五

主溝一名源傍南原西行渡蒿岔河又渡潼河楊

家河亦可越過潼關至華陰疑皆間道也此就圖言之尚

疑詳或云潼關北城門外黃河水涸時山河灘行

走亦有間道至華陰

又西為水谷

在潼關城南三十里有水門關自水谷以西南山

之高者皆名秦嶺通志云秦嶺在潼關城南三十里嶺南即華陰南界相近有龍文

山

又西為潼谷水經注謂之通谷

在潼關城南三十里潼水出谷中北入河有潼谷

關峪口有老君洞

又西為蒲谷

在潼關城南三十五里為潼關華陰連界處

右潼關谷口凡九關城南距秦嶺三十里

又西為松果山

在華陰縣東南二十七里通志云山通襄鄧之間

又西為水谷

在華陰縣東南有泥泉水北入渭谷南為秦嶺

又西為靈谷

在華陰縣東南

六

又西為朝陽山一名留翎嶺

在華陰縣東南山南為秦嶺通志云秦嶺在華陰

縣南屬華雜分壤之界華陰南至華陰縣界四十里至華陰縣治一百七十

不可攀通行者皆曲徑實終南一蛇

又西為蒲谷

在華陰縣東南有蒲谷水北入渭

又西為寶谷一名杜谷

在華陰縣東南有寶谷水北入渭

又西為黃神谷

在華陰縣東南有黃龍潭水北入渭

又西為秦華山

在華陰縣城南十里

又西為仙谷

在華陰縣西南有車箱谷水北入渭車箱谷在仙谷之南

又西為好漢山

在華陰縣西南十五里

又西為甕谷

在華陰縣西南十五里有黃酸水北入渭土人云

甕谷有路通藍田通志云甕谷環抱如甕為商維

七

徑道道險舊有防兵谷之南有升山為黃酸水發

源處縣志云甕谷為商維徑道甚險惡明知縣

王時雍修治之入谷五十里曰甕嶺東轉為華陽

川即古陽華藪也通志驛傳攷由維南縣北二十

五里曰齊家鋪又三十里楊氏城鋪又二十里板

廟河鋪又二十里度黃龍山至華陰縣甕谷鋪即

甕谷路矣黃龍山之東有香山及太子坪距維南百里亦與華陰連界

又西為大敷谷一名羅敷谷

在華陰縣西南三十里有敷谷水受秦嶺諸小水

經流最大北入渭通志云入谷十三里有相公嶺

又西為蕙谷

在華陰縣西南三十五里有蕙谷水北入渭

又西為大谷

在華陰縣西南

又西為方山谷

在華陰縣西南為華陰華州連界處有方山河北

入渭谷南為蟠龍山又南為乾喜鋪通維南界通

云蟠龍山可通白崖谷白崖之東即構谷也詳見下文○又方輿紀要云秦華山之東有牛心谷南

通商維為險阨處今未詳所在附記于此

右華陰縣南山谷口凡十三縣南距秦嶺五十里

八

又三省邊防道路攷由維南縣之常水鎮迤西北

二十里曰孤山又三十里曰麻坪又七十五里曰

苦坨與華陰連界山路崎嶇

又西為三甲山

在華州東南

又西為鳳居山

在華州東南三十里柳子鎮南山接秦嶺南來之

颯突立一峯左右兩山如舒翼然

又西為構谷

在華州東南有構谷水北入渭谷之西南為嶺底

鋪東南為乾喜鋪與華陰維南連界通志云自谷而南四十里為構嶺又三十里為秦嶺逾嶺而南有路通商維

又西為白崖谷

在華州東南谷之北有移山潭又北為蓮花池二水自池中北流為渠會構谷水入渭谷之西北為羅紋鋪自羅紋鋪入谷南行三十五里曰嶺底鋪又東南三十里至乾喜鋪又四十里至華陰寶盆鋪合寶谷路通維南

又西為獼虎谷

在華州東南

又西為甯山

在華州東南二十里山之東有阜頭山西北至州城十五里

又西為小敷谷一名白石谷

在華州東南有羅紋水北入渭通志云入谷二十里曰玉女廟又東有金壺峽又十里曰蒼坪又十里曰仙人洞

又西為太平谷一名太白谷

在華州東南有太平谷水北入渭

九

又西為獨秀峰又西為少華山又西為五龍山

均在華州城南十里

少華山之西為白石谷又西為潭谷又西為水谷

均在華州西南有潭谷水北入渭

又西為石隄谷

在華州西南十二里有石隄谷水北流為石橋鋪

河又北入渭後漢穀君神祠碑云集古錄云碑在鄭縣石隄

樹谷南通商維案碑文則石隄谷之名漢時已著矣通志云入谷南

行曰五里泉又五里曰東岐溝又十里曰灰池又

六里曰千崖二岔又二里曰東西石門又十五里

十

至秦嶺慶嶺十五里曰黑龍潭峽又五里為青岡

坪通志云青岡坪在華州南七十五里秦嶺之南坪東南金堆城為維南界順治初山孽盤互于此幾成絕徑十二年立木城撥濬由青岡坪東南

關營把總汛防於此今有防兵

行十五里為金堆城又南二十里為五勝溝接維

南境華州續志云州南至秦嶺維南界八十里又

南一百一十里至維南縣城而青岡坪亘秦嶺之

南居然一坳元也其西南百里可達曉關其東南

可通武關荆楚往來行客絡繹不絕為華州通商

維要道不可忽也。又石隄谷之西南為小梯原

又南為短嶺自小梯原迤西曰柳村原其北曰瓜

瓜坡鎮古瓜田也瓜坡鎮在華州西南二十里其西為大明鎮其南為高唐鎮皆要道

自瓜坡而西南曰平原又南曰金堆谷可達秦嶺

南之金堆城堦石隄谷為華州南面之隘而瓜坡

大明高唐三鎮皆在其南宜于瓜坡等處設兵控

守以扼石隄之口所謂總彙之區也

又西為枹棧山

在華州西南

又西為赤隄谷

在華州西南有赤隄谷水東北流貫石隄谷水至

華州城西為西溪復折而西會石隄谷水北流入

渭入谷南行有葫蘆潭谷又南二十五里即秦嶺

嶺南曰桃坪接維南境由桃坪東南行九十里即

至維南縣城

又西為階谷

在華州西南有階谷水北流入渭通志云維南縣

西北百里有百花嶺嶺之西為和尚溝又西為階

谷和尚溝之下為金堆城金堆城之西為東西桃

坪案桃坪即赤隄谷入維南之路與秦嶺南之青

岡坪金堆城皆要地也

又西為喬谷山海經謂之英山一名王喬谷一名太

公谷一名招谷

在華州西南三十里瓜坡鎮之西有喬谷水北入

渭案輿圖喬谷之西北為豐原東南為瓜坡鎮南

為大明鎮由鎮東北行至華州城二十五里又東南為高唐鎮由

東北行至華州城三十里

有路通商雜

自喬谷以西山勢折而南行曰聖山山之南曰澗谷

聖山在華州西南三十里自聖山南行十里曰澗

谷谷之東為高唐鎮北曰大明鎮南曰孤相原東

赤水發源于此北入渭通志云澗谷之北曰江村

原有江村鎮東北至華州城三十五里江村原之西有牛耳峪

澗谷之西曰龍耳山

在華州西南四十里

又西南曰箭谷一名箭谷嶺山海經謂之竹山

在華州西南五十里渭南縣東南四十里通志云

由商州西北行二百里即達箭谷為華州渭南連

界處通志云華州西至箭谷口百家村渭南縣界六十里西赤水發源于此

北入渭峪下為華州原峪西為渭南界通志云箭

谷之東南曰青岡坪南通商雜一帶其東南與武

關通自青岡坪至東西川之南曰大嶺即大秦嶺在渭南縣

十餘其東南曰小秦嶺南屬商州界案潼關以

西渭南以東在南為太華少華諸山又南則為大

小秦嶺由商雒北出華州渭南諸處必度大小秦

嶺始達平原二嶺之間為東西川通志云大嶺川

五十里自青岡坪至東西青岡坪金堆城皆在其

內為度嶺必由之道度嶺出山箭谷又為必由之

道防禦未可稍疏也

右華州南山谷口凡十九州城南距秦嶺八十里

附載通志云商州北八十里有關谷嶺嶺下有桐

谷道出華州

右自潼關至華州南山谷口凡四十均隸同州府

境

又西南曰葫蘆谷又西南曰黑掌谷

在渭南縣東南有小水二東北流會箭谷水入渭

又西曰鳳凰山

在渭南縣東四十里

又西南曰靈臺山

在渭南縣東南六十里一各七星山山北有寺谷

又西南為曹谷

在渭南縣東南曹谷之南為小秦嶺通商州

又西曰大谷

在渭南縣南谷之東南接商州界

又西南曰元象山

在渭南縣南七十里渭水出焉北入渭

元象山之西北曰黃狗谷黃狗谷之西北有石鼓山

五十里其西南

在渭南縣南六十里通志云入黃狗谷折而東南

有二山曰南月圓北月圓清水河即渭經其中南

月圓山四面懸崖僅通一徑上有仰天池池旁有

田千餘畝

其西南曰小谷相近有阮谷

小谷在渭南縣南阮谷在渭南縣南七十里通志

云阮谷之東南有莊二曰南古北古其間有白楊

溝谷鐵洞谷松柏谷皆小道也南古莊之南曰七

嶺嶺之南曰大秦嶺其間曰南北川東西川東西

川之北曰青岡坪坪西北曰箭谷嶺即箭也是阮谷

亦通商雒要道不可忽矣案華州之石隄谷箭谷

渭南之阮谷皆通商雒而以青岡坪為輻湊之區

是青岡坪尤為要地也

右渭南縣南山谷口凡八縣城南距秦嶺七十里

附載通志云雒南縣西北至楊家河渭南縣界一

百一十里又案輿圖雒南縣西北八十五里有冢

嶺山其地有張家坪當與華渭交界之箭谷相通

自小谷以西南山分爲二支兩山之間爲平川其間

有埃子鎮埃一作厚

埃子鎮在渭南縣西南七十里藍田縣東五十里

臨潼縣東南六十里當南山諸谷之口爲三縣連

界處南行入阮谷路通商州實兵家之衢地也

附攷宋敏求長安志云埃子鎮在渭南縣西南與

藍田縣接界以南山多虎故斥埃于此余案漢書

五

地理志京兆藍田有虎侯山祠今埃子鎮西南有

虎珂山即虎侯山矣又說文邑部叩京兆藍田鄉

也从邑从口讀若口與叩字別其音畧與埃同今之埃

子鎮疑卽說文之叩鄉

南山之屨自埃子鎮西北行者曰分水嶺在渭南縣

嶺之東南卽阮谷也又西北曰埃子嶺又西北曰

牛思嶺嶺東北有嚴谷嶺南有馬谷又西北曰金山在藍田縣東

又西北曰橫嶺在藍田縣北三十五里又西北曰驪山

有臨潼縣此爲南山之別幹臨潼在驪山之陰

案南山至埃子鎮分爲二支其間道路紛岐四通

八達埃子鎮之西南曰屏風鎮又西爲藍田縣城

又西北爲咽瓠鎮咽瓠一作洩湖南至藍田縣二十里又西北爲新

街鎮東南至藍田四十里入咸甯境岡齋重複利用伏兵

此固兵家出奇之地矣

其東南行入藍田境者曰玉山

在藍田縣東南三十里一名覆車山通志云驪山乃玉山之北

阜漢書地理志所謂藍田山出美玉是也案渭南

之西北臨潼之東無大山別出者惟驪山一支耳

南入藍田境則萬峯峻峙高接雲天卑者爲燒菴

諸山高者爲秦嶺正幹古所謂繞雷青泥諸險多

六

在于此故論驛傳以臨潼爲衝途論行軍則以藍

田爲要隘云

自玉山以西山勢復分爲二支其西北行者曰虎珂

山漢書地理志謂之虎侯山

在藍田縣南十里相近有悟真谷

又西曰七盤山

在藍田縣南十里一名七盤坡赴商州者必取道

於此通典所謂七盤十二緝藍田之險路也漢書

王莽謂王級曰繞雷之固南當荆楚其卽斯歟師古

曰繞雷者言四面塞阨其道屈曲谿谷之水回繞

而雷也其處卽今商州界七盤十二緝是也余案

繞雷字亦作曉柳

自玉山折而東南曰輕谷俗名次南曰銅谷俗名

均在藍田縣東南五十里谷中水均西流入灃

又西南曰倒溝谷一名倒回谷西至留谷五里

在藍田縣東南五十里有倒溝谷水一名石門水

西北流入灃藍田縣志道路攷由縣城東行十五

里曰普化鎮又十五里屏風鎮又五里玉山又二

十里倒溝谷又十里黃沙嶺又三十五里萬軍迴

又二十里大龍廟通志云係渭南縣界又二十里麻家川又

三十里董家樓南界又九十里至雒南縣城○案

七

陝西通志言倒溝谷即藍田谷今攷咸甯縣志及

藍田縣志水道圖藍田谷均在留谷之西而倒溝

谷在留谷之東通志疑誤也今留谷之西為藍谷

或即漢志之藍田谷歟

自倒溝谷以西山勢復折而西行谷之東曰鳳兒山

一名阜兒山

在藍田縣東六十里

谷之西南曰劉谷今名留谷西至藍谷二十里

在藍田縣東南五十里有留谷水西北流入灃道

路攷由商州西行百里至黑龍口通志云相傳漢高祖入武關兵

分二道一出藍田一出此又西三十里鐵樓子又二十里張家

坪又二十里李家坪又十五里劉谷口俗名又五

十里藍田縣城由此路行走山路崎嶇可越過牧

蕩關

又西曰藍谷一名藍田谷西至柳谷三十里

在藍田縣東南三十里灃水出焉西北流會灃入

渭漢書地理志所謂京兆南陵澗水出藍田谷北

大渭是也谷之南有牧蕩關為赴商雒要道道路

攷兼采藍田縣志及三省邊防書由藍田縣東南行十五里七盤

坡又二十里北渠鋪又二十里藍橋鋪又二十里

六

新店鋪又二十里牧蕩關州人舖又二十里郭家店

又三十里大商原又十里泥谷店又三十里麻澗

鋪又二十里梁家原又二十里商州城又東一百

八十里至武關此為由楚豫出商州赴陝西孔道

所謂武關路也○案通志引元和郡縣志云藍田

關在藍田縣東南九十八里括地志云即秦曉關

也今案牧蕩關在藍田縣東南九十五里與舊志

曉關地望僅差三里然則曉關藍田關牧蕩關實

一關矣顧氏景范曰由河南南陽湖廣襄陽入秦者必道武關自武關而至長安四百九十里多從山中行過

藍田始出險就平

又西曰鄧家嶺

在藍田縣城東南

又西曰曉山

在藍田縣城南二十里一名青泥嶺水經注曉柳

城漢書作亦謂之青泥城

又西曰鞞谷西至採谷二十五里

在藍田縣西南二十里為曉山之口有鞞川西北

流入灊長安志云鞞谷有細路通上洛即今商州漢為上洛

縣道路攷入谷口南行三十里曰董家崖又四十

里馮家印又二十里鐵鎖橋又五里葛牌鎮又二

十五里秦嶺口又三十里雞冠梁又二十里花紅

溝又三十里馬家山入鎮安界又一百一十里至鎮安

縣城又入谷口西南行二十里曰石灰廠案三省邊防書

又五十里至西安省城亦間道又三十里雷家川

又三十里紅門寺又三十里板廠又三十里紅石

溝又二十里曹家坪入鎮安界又四十里彩玉窑又三

十里上孟里又十里兩岔河又十里胡家寨又二

十里胡家嶺又二十里五峪溝又四十里王家坪

又十里鎮安縣城

又西曰土門谷又西曰代谷水經注謂之雀谷又西曰楊谷

水經注謂之大谷又西曰孟谷

均在藍田縣西南有小水西北入灊

又西曰採谷西至湯谷十里

在藍田縣西南三十里有採谷水北入灊長安志

云採谷有細路通上洛

又西曰石門谷谷之西北有湯泉故俗名湯峪西至庫谷

里十

在藍田縣西南四十里有石門谷水北入灊咸甯

縣志云自西安省城東南行十五里曰三兆又二

十五里鳴犢鎮又五里至藍田界入湯峪路入谷

南行可達孝義廳之龍王廟溝縣志又云由孝義

北行出湯谷至縣治二百二十里通志云唐時于谷南置大昌關

為戍守處

又西為庫谷水經注謂之苦谷○谷西至栢坡谷七里

在藍田縣西南五十里咸甯縣東南八十里為藍

田咸甯交界處有庫谷水北入灊三省邊防道路

攷由鎮安縣東行五里曰舊寺又十里表德鋪又

十五里攔馬河又三十里黃龍鋪又三十里巖屋

河又十里大坪又三十里石灣鋪又三十里鳳凰

嘴又二十里黃家店又二十里採玉腦又五十里

閻王溝又二十里沙嶺又十八里陰溝口又十八

里小嶺又二十里翻大秦嶺又二十里大苦峪口

車又九十里沿山西行至引駕迴又四十里西

安省城此為鎮安達西安之間道水經注藍田有廣谷方輿紀要

藍田有圍谷通志水利圍藍田有散谷

右藍田縣南山谷口凡十七縣城東南距秦嶺一

百二十里南距秦嶺八十里

附載商州雜南孝義鎮安赴藍田徑路

通志云商州西北至鄭家坪藍田縣界一百四十

里○三省邊防道路攷由商州西行二十里曰梁

家原又二十里麻澗鋪又三十里泥谷店山泥谷

店迤西南又五十里油磨又二十里康家河與藍

田連界山路崎嶇○又由商州西行百十里至秦嶺

又六十里至黃柏岔與藍田連界山坡小路○又

由商州西之楊峪河西北行十里曰五谷川又十

里房家店又三十里管家坪又二十里白石山與

藍田連界山坡小路○又由州屬之麻子溝迤南

行二十里曰赤水谷又三十里東牛槽又二十里

西牛槽與藍田連界山路盤曲○又州西九十里

有白龍洞近藍田界○由雜南縣西行十里曰柳

林鋪迤西北三十里曰保安街口又四十里雨岔

河又二十五里馬家河與藍田接界山坡小路○

由孝義驢東行至黑虎廟折而北行經粗子川平

水南河口北河封家河紅崖子與藍田接界山路

陡險○鎮安縣東北百五十里有東采谷西采谷

與藍田接界○又由鎮安東北百里之杏樹坪向

北三十里曰牛槽溝又四十里黃土編又二十里

紅崖子又一百九十里至藍田縣城山溝小路○

又由杏樹坪四十里磨古莊又二十里瓦房口又

二十里師子曰又三十里曹家坪又二百一十里

至藍田縣城山坡小路○方輿紀要藍田有瓦柳

溝有間道通潼關○嚴如煜曰商州古商於地漢

高祖入關即由此路故商州為秦中必守之險州

轄四縣鎮安居南山之中四通八達山陽商南與

楚之即西上津接連雜南密邇豫州各邑均山大

林深稽防未可稍疏也

自庫谷以西其山曰終南山一作中其谷曰栢坡谷水

注謂之斫藍谷音之轉此谷西至大義谷三里

在咸甯縣東南案庫谷以西蓋屋以東其山皆各

終南等山則岡原回互氣象雄闊故會垣適當其

處南山諸谷距省城遠者百餘里近者悉數十里隄防尤要矣。嚴如煜曰：教匪之亂，西安各峪口賊初頻頻窺伺，後素觀察納團練民勇，徧設卡倫，分布防堵，時屬紳士震金鼓，揚旌旗，分隊巡邏，聲勢甚壯，賊不敢犯平原，所保全者甚多，亦可知團練之功未嘗無成效也。

又西為大義谷，俗名大峪口。谷西至白道谷三里。

在咸甯縣東南六十里，滴水出焉，西北流會鎬水。即交谷水。又西會灃水入渭北，周煥信義谷銘序云：東出藍田，則控灃乘澆，西連子午，則據涇浮渭，其形

三

勝可知矣。長安志云：義谷在長安縣東南八十里，東南至乾祐縣。唐置安業縣，屬商州，後改乾元縣，五代漢改乾祐縣，元廢為乾祐關，一名舊縣關，即今孝義廳。及金今與商等州西南有路至興元府。今漢中府。案今由大峪口至孝義，其正南通興安，其西南通漢中，與古路合，惟山路峻峭，較棧道尤險也。三省邊防及咸甯縣志道路攷由西安省城南行二十五里曰鮑陂，又二十五里引駕迴，又十五里大峪口，又二十五里鎗風鋪，又二十里板廟子，又三十里秦嶺。入孝義廳界。又五十里鐘子石，又三十里大山岔。即孝義廳界。又三十里藥王堂。

又二十里孝義廳城，計程二百七十里。大峪口逼近省垣，為孝義赴西安孔道，防禦未可稍疏也。咸甯縣志云：由谷口嚴如煜曰：由咸甯引駕迴進大峪至秦嶺七十里。口上下秦嶺七十里，山勢穹窿，一徑羊腸，蟠折于叢林懸巖之間，稍不戒，則人馬墜深澗，大山岔在秦嶺南地，稍平夷，又南則孝義廳城，乃南山扼要之處，不可忽也。又咸甯縣志云：由鎮安之磨溝西北行，出大谷至縣治三百二十里。

又西為白道谷

在咸甯縣東南有白道谷，水西入灃，通志云：谷內

五

有嘉五臺山及蒼鷹嶺

又西為錫谷，一名小義谷，俗名小峪口。谷西至羊谷二里。

在咸甯縣東南六十里，有小義谷，水西入灃，谷之內有仙人潭。長安志云：錫谷東南有路至舊歸安

鎮。宋敏求長安志云：歸安鎮在乾祐縣南一百二十里，案乾祐縣即今之孝義廳，是歸安鎮當在孝義廳南鎮安縣界，余疑今之鎮安縣即由古歸安鎮而得名也。故歸安鎮當在其地，或云歸安鎮在興安府城北五里。合大義谷路通漢中，是昔之錫谷即今之小峪口矣。咸甯縣志與圖大義谷之西即小義谷，蓋即錫谷也。

咸甯縣志云：谷口南至秦嶺五十里，入谷南行至板廠，有路至孝義廳。

又西為羊谷陽一作又西為土門谷又西為交谷郊一作

均在咸甯縣東南有小水二注交水交水即鑄水

西北流會瀟水又會澧水入渭

又西為太乙谷一名炭谷太炭鑿聲緩言之曰太乙谷急言之則曰炭谷

在咸甯縣東南六十里有太乙谷水北入瀟入谷

南行三十里至岳坪嶺接孝義廳界案韓昌黎有

題炭谷湫祠堂詩是炭谷之名在唐已著其詩云

石級皆險滑顛躓莫牽攀則谷中之路險可知矣

又西為小庫谷又西為康谷又西為小陽谷又西為

大陽谷又西為白石谷又西為竹谷

圭

均在咸甯縣東南六十里有小水六西北注交水

又西為石盤谷谷口有大石如盤因各一名石壁谷

在咸甯縣西南五十里為咸甯長安連界處有石

盤谷水北流會交水注澧入渭入谷東南行七十

里至岳坪嶺為達孝義廳路縣志云由谷口至孝義廳界一百四十里

入谷西南行至葦子坪為達甯陝廳路縣志云谷甯陝廳界

甯陝廳志云石盤谷在廳北五百一十

里

右咸甯縣南山谷口凡十五出縣城南行入大峪

口至秦嶺共百四十里入小峪口至秦嶺共百一

十里此統平原之路而言若入山之後大峪口距秦嶺僅七十里小峪口距秦嶺僅五十里耳

附載咸甯縣屬之龍王廟溝在城東南一百八十

里與孝義蓋田接界溝水北流入藍田朝谷自溝

中西北行出湯谷至縣治二百二十里又縣屬之

磨溝在城南二百八十里與鎮安接界自溝中西

北行出炭谷即太乙谷至縣治三百二十里○又栗園

寨山在鎮安縣西北八十里相近有王谷嶺接咸

甯界又考山在鎮安縣北百七十里亦與咸甯接

界自栗園寨以下均見陝西通志輿圖案通志修

于雍正時彼時尚未開設孝義廳故鎮安之北地

圭

界極廣以今地望準之栗園寨諸處當撥入孝義

廳矣未知其詳姑存舊說以資參考

又西為黃谷

在長安縣南

又西為榷梓谷一名便子谷見隋碑俗名東西田子峪

又名駱駝山

在長安縣南有榷梓谷水西北流會交水注澧入

渭甯陝廳志云榷梓谷在廳東北五百四十里

又西為豹林谷俗名抱龍峪

在長安縣南有豹林谷水西北流會交水注澧入